

147. Auszug.

(Ca. 1375) 1393.

Aus dem grossen Urbar des Domkapitels zu Chur.

Anno¹ domini. Mo.CCCo.LXXXX^{mo}. tercio. In die sanctorum Philippi et / Jacobi. wart disù geschriff ernüweret mit den nachgeburen². vnd mit den aydsweren in iedem kirchspel. vnd wz / ze gegen herr Burkart Aldrian Corherr ze Cur. vnd wal-/ther Han. des Capitels amtman.:/

Dis sint die Gueter³ die miner herren der Corherren vnd des / Capitels ze Cur recht aigen sint. gelegen vnder sant / Lutziens taig.:/

Ze Raefis⁴. ain guot⁵ gilt. iij. viertel waissen. vnd vier / huenr³ hür ze iar. vnd hand es die Grafer⁶ inne. /

(nota)⁷ Ze Trisen ain guot⁵. gilt iaerlich⁴. xij. schilling phenning /

Vsser dem wingarten der da haisset Schaluner⁸. gât / jaerlich⁴. v. solidi denariorum geltz. (Hat Veli⁹ Seger,) /

Item¹ die kirch ze Schan. mit aller ir zuogehoert¹⁰. ist ietz / verlihen hern Josen¹¹. vmb. xij. lb. denariorum. die hat geben min / herr saelig⁴ Graf Ruodolf¹². an das Capitel.:/

Ze Rungaele¹³ hand wir kovfft¹⁴ von Josen dem Bok¹⁵. dar/vmb haben wir brief. Vnd dis sint die Gueter³ die in den / selben hof ze Rungaele⁴ gehoerent¹⁶. vnd geltent hür ze / jar. vj. scheffel waissen. /

Des ersten. ain juchart ackers ennent dem graben¹⁷. stoset / ainhalb. an dero von sant Lutziens guot⁵. vnd anderthalb / an die wisen. /

Item aber ain juchart ackers. vnder haintzen Swaebeners¹⁸ / hus. stosset oben an kaemlis¹⁹ veld. vndnen an die wisen. / vnd stosset an die strâs. die man nempt des vogels acker. /

Item ain acker ist ain juchart in kaemlis⁴ bunt. haisset / ouch²⁰ des vogels acker. /

Item ain iuchart ackers stosset an haintzen swaebeners⁴ / hus. vnd an sin bovngarten¹⁴. vnd andrent an kaemlis⁴ / bunt. vnd an die wisen, dar ùs gât sant Lutziens. ain / viertel waissen.:/